

NANGDEIHNA BANG HI HEN!*

Luka 22: 42, "Pa aw, ahih theih leh hih kadawnding hai tawh, hongkipelh sak in. Ahi zongin nangma deihna bang hi ta hen."

Kei mihing, acingtaak zolo khat, Christu Jesu bangin, Pasion leh mihing kigawm lah hilo; bangci bangin Pasion deihna bangin haksat gentheihnate tungah thuakzawhna tha leh hangsanna kaneizo dinghiam? Pasion deihna bang hilo zawin keima deihna bangin thuak zawlo ding kahiam? Bang hanghiam cih leh Pasion deihna hih lian hi cih thu telhak sa in, kalunggim a, cihnang theilo in ka om thei hi.

St. Padre Pio hongtha piakna in:

Cikciangin kalei nunna leh sehnelgam kakhualzinna panin katawlna dinghiam? Kalunggim in, kakhuangai a, khatveivei khitui in sun le zan, mial le vak cilo in, lawmkhat bangin hong ompihden hi. Hitase mah leh, Aw, Topa! nangma deihna bangin keitung hongpiang taken ci-in, khitui tawh zankhua vak in, sunni katum hi. Christu Topa minthanna le ama vang liatna, akilah nading ahih laitengin, Pasion deihna le agelna ombangin keima tu'ng hongpiang ta hen ci-in, thuum kawm taukawmin, tha kala tawntung hi. Khatveivei ciangin kalung sim gimlua in, cikciangin hihlunggimna leh sinkham natna pan kasuakta dinghiam cihzong kathei nawnkei hi. Aw, tua bang hun laitak in, kua in keithuak hongthei in, hong hehnemzo ding hiam? Cihna'ng theinawnlo in ka omciangbek in, Topa in ahehpihna khuttawh kei honglen hi cih katheipan zen hi.

Mihai leh mawhnei mi keimah lamdang hongsa lo kua mah a omkei ding hi. Kha mittaw pa kahizen hi. Itna khuttawh kei honglen denin, dah hunciang hong hehnem a, ka thanem hun ciang tha hong dimkik, kei mah tawh sun le zan cih omlo in, atawntung a, hong ompih hongit, ka Topa katheikei zenhi. Hamsat gimna ka thuakna in lianlua ahih ma'n, genteh theih

ding kamu kei hi. Ahi zongin, keitawh hongom To Jesu in, adeihna khattawh hi cibangin, haksat gentheihna kathuakding hongphal hi, cih katheih takciangin, bangdang kangaih sun nawn dinghiam? Topa nangma deih bangin keitungah piangta hen, cihdinglo buang, kammal dang ka gen ding bangmah kamu nawnkei hi.

Tua hi-in, leinunna abei matengin, kakha in nisim in, tuabang haksatna leh gentheihna thuakden ding ahih manin, cikciang kalei nunna leh schnellgam kakhual zinna pan ka tawlnga dinghiam cih lunggulh in, ka ni leh ka hun te Topa khutsungah ka-ap tawntung hi.

Ref.

Padre Pio's Words of Hope, ed. Eileen Dunn Bertanzetti.
Huntington, Indiana/IN, Our Sunday Visitor, 1999.
p.111.